

楚

寶

楚寶出世間品四

明 梁谿高世泰彙旃父鑒定

湘潭後學周聖楷輯纂

西岑仁齋黃裳吉叅訂

祖燈

洛浦元安

夾山法嗣

澧州洛浦山元安禪師鳳翔麟遊人初爲臨濟侍者對衆美之曰臨濟門下一隻箭誰敢當鋒師蒙印可自謂已足一日侍立次有座主叅濟濟問有一人於

三乘十二分教明得有一人不於三乘十二分教明得且道此二人是同是別至曰明得卽同明不得卽別師曰這裡是甚麼所在說同說別濟顓師曰汝又作麼生師便喝濟送座至回問師汝豈不是喝老僧者師曰是濟便打師後辭濟濟問甚麼處去師曰南方去濟以拄杖畫一畫曰過得這箇便去師乃喝濟便打師作禮而去濟明日陞坐曰臨濟門下有個赤稍鯉魚搖頭擺尾向南方去不知向誰家墜龜裏淹殺師遊歷罷直往夾山卓庵經年不訪夾山山乃修

書令僧馳往師接得便坐却再展手索僧無對師便打曰歸去舉似和尚僧回舉似山曰這僧若開書三日內必來若不開書斯人救不得也師果三日後至見夾山不禮拜乃當面叉手而立山曰鷄棲鳳巢非其同類出去師曰自遠趨風請師一接山曰目前無閣黎此間無老僧師便喝山曰住住且莫草草匆匆雲月是同谿山各異截斷天下人舌頭卽不無閣黎爭教無舌人解語師佇思山便打因茲服膺山將示滅垂語曰石頭一枝看看卽滅矣師曰不然山曰何

也。師曰：他家自有青山。在山曰苟如是。卽吾宗不墜矣。暨夾山順世。師抵于洛陽。尋之澧陽洛浦山。卜築宴處。後遷止朗州蘇溪。四方玄侶憧憧奔奏。師兩山開法。語播諸方。光化元年十二月。師乃告寂。

聖楷按：洛浦山在澧州石門縣東三十里。今有洛浦寺。其地與夾山相望。亦猶石霜之于道吾也。當時法席之盛如此。蘇溪在常德桃源縣北四十里。

育王弘通

曹山法窟

衡州嘗寧縣育王山弘通禪師問混沌未分時如何師曰混沌曰分後如何師曰混沌上堂示衆曰釋迦如來出世四十九年說不到底句今夜某甲不避羞恥與諸尊者共譚良久云莫道錯珍重問學人有病請師醫師曰將病來與汝醫曰便請師醫師曰還老僧藥價錢來問曹源一路卽不問衡陽江畔事如何師曰紅鑪燄上無根草碧潭深處不逢魚問心法雙忘時如何師曰三脚蝦蟆背大象問如何是西來意

師曰老僧毛堅問如何是佛法大意師曰直待文殊  
過卽向你道曰文殊過也請和尚道師便打問如何  
是和尙家風師曰渾身不直五文錢曰大恁貧寒生  
師曰古代如是曰如何施設師曰隨家豐儉  
聖楷按衡州寧縣有塔山山腰有白石七級相  
傳昔阿育王疊石造塔處後人建寺于此謂之育  
王山

般舟惟勁

聖峯法嗣

南嶽般舟道場寶聞大師惟勁福州人也素持苦行不衣繪繡惟壞衲以度寒暑時推頭陀行焉初參雪峯深入淵奧復問法玄沙之席心卽符會一日謁鑒上座曰聞汝註楞嚴經鑒曰不敢師曰二文殊汝作麼生註曰請師鑒師乃揚袂而去唐光化中人南嶽住報慈東藏生亦號三藏中有鏡燈一座卽華嚴第三祖賢晉大師之所製也師觀之頓喻廣大法界重重帝網之門佛佛羅光之像因美之曰此先哲之奇功



苟、非、其、不、思、議、善、權、之、智、何、以、創、焉、乃、著、五、字、頌、五、  
章、覽、之、者、悟、理、事、相、融、後、終、于、南、嶽、師、于、梁、開、平、中、  
撰、續、寶、林、傳、四、卷、紀、貞、元、之、後、禪、門、繼、踵、之、源、流、也、  
、集、七、言、覺、地、頌、廣、明、諸、教、緣、起、別、著、南、嶽、高、僧、傳、  
皆、流、傳、于、世、

報慈匡化

龍牙法嗣

潭州報慈藏巖匡化大師問心眼相見時如何師曰  
向汝道什麼問如何是實見處師曰絲毫不隔曰恁  
麼卽見也師曰南泉甚好去處問如何是西來意師  
曰昨夜三更送過江問臨機使用時如何師曰海東  
有果樹頭心問如何是真如佛性師曰阿誰無問如  
何是向上一路師曰柳連道永問和尚年多少師曰  
秋來黃葉落春到便華開師嘗著真贊曰日出連山  
月圓當戶不是無身不欲全露一日師在帳內坐僧

問承師有言不是無身不欲全露請師全露師乃撥  
開帳曰還見麼曰不見師曰不將眼來問如何是龍  
牙山師曰益陽那邊曰如何卽是師曰不擬曰如何  
是不擬去師曰恁麼卽不是問古人面壁意如何師  
良久却喚某甲僧應諾師曰你去別時來師垂語曰  
一句徧大地一句纔問便道一句問亦不道問如何  
是徧大地句師曰無空缺如何是纔問便道句師曰  
低聲低聲如何是問亦不道句師曰便合知時

石門獻蘊

青林法嗣

襄州石門獻蘊禪師京兆人也初問青林如何用心  
得齊於諸聖林仰面良久曰會麼師曰不會林曰去  
無子用心處師禮拜乃契悟更不他遊遂作園頭一  
日趨侍立次林曰子今日作甚麼來師曰種菜來林  
曰徧界是佛身子可甚麼種師曰金鋤不動地靈苗  
在處生林欣然來日入園喚蘊開黎師應喏林曰剩  
栽無影樹畱與後人看師曰若是無影樹豈受栽耶  
林曰不受栽且止你會見他枝葉麼師曰不會見林

曰○既○不○會○見○爭○知○不○受○裁○師○曰○祇○爲○不○會○見○所○以○不○  
受○裁○林○曰○如○是○如○是○林○將○順○寂○召○師○師○應○諾○林○曰○日○  
轉○西○山○後○不○須○取○次○安○師○曰○雲○滿○金○櫃○樹○靈○枝○萬○古○  
春○林○曰○或○有○人○問○你○金○針○線○囊○事○子○道○甚○麼○師○曰○若○  
是○毛○羽○相○似○者○某○甲○終○不○敢○造○次○初○住○南○嶽○蘭○若○未○  
幾○遷○夾○山○道○由○潭○州○時○楚○王○馬○氏○延○入○天○冊○府○供○養○  
數○日○師○後○復○避○亂○離○夾○山○至○襄○州○創○石○門○寺○再○振○玄○  
風○師○應○機○多○云○好○大○哥○時○稱○大○哥○和○尙○  
聖○楷○按○石○門○寺○在○襄○陽○南○漳○縣○北○四○十○里○

石霜慈明

汾陽法嗣

潭州石霜楚圓慈明禪師全州李氏子少爲書生年  
二十二依湘山隱靜寺出家其母有賢行使之遊方  
聞汾陽道望遂往謁焉陽顧而默器之經二年未許  
入室無見必爲話或毀詆諸方及有所訓皆流俗鄙  
事一夕訴曰自至法席已再夏不蒙指示但增世俗  
塵勞念歲月飄忽已事不明失出家之利語未卒陽  
熟視罵曰是惡知識敢裨販我怒舉杖逐之師擬伸  
救陽掩師口乃大悟曰是知臨濟道出嘗情服役七

年辭去。依唐明嵩禪師。嵩謂師曰。楊大年內翰知見。高入道穩實。子不可不見。師乃往見大年。年館于齋。中日夕質疑智證。因聞前言往行。恨見之晚。朝中見駙馬都尉李公遵勗曰。近得一道人。真西河師子。自是師往來。楊李之門。以法爲友。久之辭還。師後以母老南歸。至瑞州。首衆于洞山。時聰禪師居焉。先是汾陽謂師曰。我徧叅雲門兒孫。特以未見聰爲恨。故師依止三年。乃遊仰山。楊大年以書抵宜春太守黃宗旦。使請師出世說法。守以南源致師。師不赴。旋特謂。

守願行守問其故對曰始爲護今偶欲之耳守大賢  
之住三年棄去遷南嶽福嚴嘗謁神鼎譔禪師鼎首  
山高第望尊一時衲子非人類精奇無敢登其門者  
住山三十年門弟子氣吞諸方師髮長不剪敝衣楚  
音通謁稱法侄一衆大笑鼎遣童子問長老誰之嗣  
師仰視屋曰親見汾陽來鼎杖而出顧見願然問曰  
汾州有西河師子是否師指其後絕叫曰屋倒矣童  
子返悉鼎回顧相嬰鑠師地坐脫隻履而視之鼎老  
忘所問又失師所在師徐起整衣且行且語曰見面



不如問名遂去。鼎造人追之。不可歎。曰汾州乃有此兒。耶師後又赴道吾之請。遂住石霜。會都尉李公將捐館。請師至京。話別。師問如何。是本來佛性。公曰。今日熱如昨日。隨聲便問。師臨行一句作麼生。師曰。本來無罣礙。隨處任方圓。公曰。晚來困倦。更不答話。師曰。無佛處作佛。公于是泊然而逝。師哭之慟。臨壙而別。有旨賜官舟南歸。師于後年。壽亦示寂。壽五十四。塔于石霜。

洪覺範慈明真贊序曰。鍾山僧遠。菴居五十年。而

二十年掬澗而飲，長安窺基三車，隨行而一車，酒  
哉。迥遙羅什口析妙義，而畜靡嫗之倩，曰：吾有欲  
隙，清涼澄觀已任大教，而畏五色糞，且以十願律  
身。是四比丘者，舉人類精奇風流，相映何其制行  
乃爾。相戾耶？蓋知其所同者，道所不同者，迹故其  
所履正權異。救時存道，皆非苟然。使其無權時之  
智，則教之延遠，要未可必也。傳曰：神而明之，存乎  
人。非特爲教者爲然，則傳大士其悲智所施亦然  
也。故吾慈明禪師汾陽昭之嗣，黃龍南之師，南之

玉立有清涼之風。昭之精嚴。挺鍾山之操。而公獨  
平等。逆順嬉戲。垢汙其于基什。而其道能支臨濟。  
與日月爭光。真不經凡聖。超然不測人也。自公化  
去六十年。而余始至其廬。拜其塔。瞻其像。稽首爲  
之贊曰。緣任諸法名體絕。如空字身水魚迹。是無  
相門緣寂宗。一切智智差別海。公於是中如法。和  
泚然出沒。無所畏。使諸遊者心大定。種種驚怖成  
虛空。平生神共雙。不借玄機不動萬象。驚而公宴  
坐不言中。諸有求心如古井。鈍根阿師終聽瑩。法

味迷醉如惺惺。瞿然奮迅爲一戲。句裏明人揆出。  
揆紫金鎖骨。眠空山。吁嗟音容不可覲。當知其身  
如雷。霆稽首慈明。嘗出現。  
聖楷按黃龍南公夜聞悅師之言。往詣慈明室。曰。  
惠南望道未見。此間夜叅如迷。行得指南之車。然  
唯大慈更施法。施使盡餘疑。師笑曰。公已領衆遊  
方名間。叢林借有疑。不以衰陋鄙棄。坐而商畧。呼  
侍者進榻。使坐。公固辭。哀懇愈切。師曰。公學雲門。  
禪必善其旨。如曰放洞山三頓棒。洞山於時應打。

不應打。公曰：應打。師色莊曰：聞三頓棒聲，便是喫棒。則汝自旦至暮，聞鴉鳴、鵲噪、鐘魚鼓板之聲，亦應喫棒。喫棒何時已哉？公瞠而却。師曰：吾始疑不堪。汝師今可矣。即使拜公拜起。師曰：則如趙州嘗言：『靈山婆子被我勘破，試指其可勘處。』公無語。便趯出。明日復詣室中。師詰罵公曰：『正以未解求夫耳。』罵豈慈悲法施之式？師笑曰：『是罵耶？』公於言下契悟。其旨獻偈曰：『傑出叢林是趙州，老婆看破沒來繇。而今四海清如鏡，行人莫與路爲讐。』師以手

點沒字顧公公卽另有字心服其妙密留月餘辭去公後開法嗣師羅湖野錄曰石霜清素侍者晚遊湘西鹿苑以閑淡自牧堯率悅公時未出世與之隣室有客惠生荔枝悅命素曰此乃老人鄉果可同餉也素慨然曰自先師去世不見此矣悅從而問之師爲誰耶對以慈明悅乃乘閑致密款其緒餘素因問子曾見何人悅以真淨文和尚告之素曰文又見誰耶悅曰南禪師素曰南禪頭在石霜不久其道盛如此悅益駭異尋袖香咨扣素曰

否。福。鮮。緣。寡。豈。可。爲。人。師。但。子。之。見。解。試。吐。露。看。  
悅。卽。具。陳。素。云。只。可。入。佛。不。可。入。魔。須。知。古。德。謂。  
末。後。一。句。始。到。半。關。悅。擬。對。又。遽。問。以。無。爲。如。何。  
說。悅。又。擬。對。而。素。忽。高。笑。悅。恍。然。有。得。故。嘗。以。語。  
無。盡。君。士。張。公。云。由。此。觀。之。寂。音。所。謂。道。支。臨。濟。  
與。日。月。爭。光。豈。虛。語。哉。

芭蕉谷泉

汾陽法嗣

南嶽芭蕉庵大道谷泉禪師泉州人受法汾陽昭禪  
師放蕩湖湘聞同參慈明住道吾因往省之明問白  
雲橫谷口道人何處來師左右顧視曰夜來何處火  
燒出古人墳明曰未更道師作虎聲明以坐具便  
撼師接住推明置禪床上明却作虎聲師大笑曰我  
見七十餘員善知識今日始遇作家初登南嶽住懶  
殘巖未久移居芭蕉庵

林間錄曰潭州道吾山有湫毒龍所蟄隔葉觸波



必雷雨連日過者不敢喘慈明與泉大道同遊泉  
率其衣曰可同浴慈明掣肘徑去泉解衣躍入霹  
靂隨至腥風吹雨林木掀播慈明蹲草中意泉死  
矣須臾晴霽忽引頸出波間笑呼曰固又嘗夜坐  
祝融峯頂有大蟒繞盤之泉解衣帶縛其腰中夜  
不見黎明策杖徧山尋之帶纏枯松之上蓋松妖  
也又自後洞負一石羅漢像至南臺像無慮數百  
斤衆僧驚駭莫知其來後洞僧亦莫知其去遂相  
傳至今號飛來羅漢後遭橫民具報役柳城牢城

盛暑負土壅城。經道衝弛。担而坐。觀者如堵。說傷  
曰。今朝六月六。谷泉受罪。足不是。上天堂。便是入  
地獄。言訖。微笑而寂。異香郁然。邨人至今供事之。  
泉親見汾州無德禪師。南山清涼道人。謂予曰。我  
十餘年作老黃龍侍者。聞其說見。慈明事甚詳。嘗  
喟然歎曰。我平生不得谷泉文悅。又爭識得慈明。

雲峯文悅

大愚法嗣

南嶽雲峯文悅禪師、南昌徐氏子、初造大愚、聞示衆、曰、大家相展喫、塋、塋、若喚作一塋、墮入地獄、如箭射、便下座、師大駭、夜造方丈、愚問來何所求、師曰、求心、法、愚曰、法輪未轉、食輪先轉、後生、趁色、力、健、何不爲、衆乞食、我忍饑不暇、何暇爲汝說禪乎、師不敢違、未幾、愚移翠巖、師納疏罷、復過翠巖、求指示、巖曰、佛法未到爛、却雪寒、空爲衆乞炭、師亦奉命、能事罷、復造方丈、巖曰、堂司闕人、今再煩汝、師受之不樂、恨巖不

去心地坐後架桶。纔忽散。自架落。師忽然開悟。頻見巖用處。禿搭伽梨上寢堂。巖迎笑曰。維那且喜。大事了畢。師再拜不吐一辭。復服勤八年。後遊南昌西山。會黃龍南公。南公先受三角澄禪師印。可師夜與語曰。澄公雖雲門之後。然法道異耳。南公問所以異。師曰。雲門如九轉丹砂。點鐵成金。澄公藥汞銀。徒可玩入。鍛卽流去。南公怒。以枕投之。師復曰。雲門氣字。如王甘苑。語下乎。澄公有法授人。苑語也。苑語其能活人哉。卽背去。南公挽師曰。審如是。誰可汝意者。師

曰。福嚴。楚國手段。出諸方子。欲見之。不立後也。南公  
卽日往請師。初出世。南昌翠巖。次遷衡嶽。嶠巒峰之  
法輪未久。又遷至雲峯寺。嘉祐七年七月八日。陞座  
辭衆。說偈曰。住世六十六年。爲僧五十九夏。禪流若  
問。指歸鼻孔。大頭向下。歸方丈。趺坐而化。塔于禹溪  
之北。

黃山谷悅禪師語錄序曰。悅禪師者。青山白雲。開  
遮自在。碧潭明日。撈漉方知。鐵石崩崖。霜弓劈箭。  
不受然燈記莢。自提三印正宗。假令古佛出頭也。

下一椎定當前。則激惠南老子出泐潭。苑水而印。  
慈明後。則勅祖心禪師。撥大愚寒灰。而見黃蘗。看  
儂兩着。須天下基客受先。破此一塵。與四海禪宗。  
點眼。有懷疑者。是不肯山谷老人。擬欲全提。且救  
取無爲居士。

龍牙居遁

洞山法嗣

潭州龍牙山居遁證空禪師。撫州人。初叅翠微。問如  
何。是祖師意。微曰。與我將禪板來。師遂過禪板。微接  
得。便打。師曰。打卽任打。要且無祖師意。又問。臨濟如  
何。是祖師意。濟曰。與我將蒲團來。師乃過蒲團。濟接  
得。便打。師曰。打卽任打。要且無祖師意。住後。有僧問  
和尚。行脚時。問二尊宿。祖師意。未審。二尊宿。明也未。  
師曰。明卽明也。要且無祖師意。師至洞山。復舉德山  
頭落底語。因自省過。遂止于洞山。隨農叅。請一日。問

如何是祖師西來意山曰待洞水逆流卽向汝道師  
始悟朕肯服勤入稔湖南馬氏請住龍矛上堂夫叅  
玄人須透過祖佛始得新豐和尚道祖佛言教似生  
冤家始有叅學分若透不得卽被祖佛謾去師將順  
寂有大星隕于方丈前

聖楷按龍矛山在益陽縣今志不載



欽山文邃

洞山法嗣

澧州欽山文邃禪師福州人少依杭州大慈山寰中  
禪師受業時巖頭雪峰在衆觀師吐論知是法器相  
率遊方二大士各承德山印記師雖屢激揚而終然  
疑滯後于洞山言下發解乃爲之嗣年二十七止于  
欽山對大衆前自省過舉參洞山時語山問甚麼處  
來師曰大慈來曰還見大慈麼師曰見曰色前見色  
後見師曰非色前後見洞山默置師乃曰離師大蜜  
不盡師意師與巖頭雪峰過江西到一茶店喫茶次

師曰。不會轉身通氣者。不得茶喫。頭曰。若恁麼。我定不得茶喫。峰曰。某甲亦然。師曰。這兩個老漢話頭也。不識頭曰。甚處去也。師曰。布袋裡老鴉。雖活如死。頭退後曰。看看。師曰。養公且置。存公作麼。生峯以手畫一圓相。師曰。不得不問頭。呵呵曰。太遠生。師曰。有口。不得茶喫者多。師與道士論義。士立義曰。粗言及細語。皆歸第一義。師曰。道士是佛家奴。士曰。太粗生。師曰。第二義何在。士無語。

聖楷按。欽山在澧州西二十里。

南臺守安

桂琛法嗣

衡嶽南臺守安禪師初住江州悟空院有僧問人人  
盡有長安路如何得到師曰卽今在什麼處問如何  
是西來意師曰是什麼意問如何是本來身師曰是  
什麼身問寂寂無依時如何師曰寂寂底聾師因示  
頌曰南臺靜坐一爐香終日凝然萬慮忘不是息心  
消妄想都緣無事可思量

卷四十五

二十

二十

雲蓋用清

廬山法嗣

潭州雲蓋山海會寺用清禪師河州人也姓趙氏本  
州出家酷志求法遠叅長安潛契宗杲先住韶州東  
平山淳化二年知潭州張茂宗請居雲蓋世在六僧問  
有一人在萬丈井底如何出得師曰且喜得相見曰  
恁麼卽穿雲透月去也師曰三十三天事作麼生僧  
無語問如何是雲蓋境師曰門外三泉井曰如何是  
境中人師曰童行作子師有頌示衆曰雲蓋鎖口訣  
擬議皆腦裂拍手趁玄空雲露西山月

聖楷按雲蓋山在長沙善化縣西三十里峯巒秀  
麗望之如蓋上有虎溪蛇井白雲關諸勝雲蓋寺  
猶存遺址

大陽警玄

梁山法嗣

郢州大陽山警玄禪師江夏張氏子依智通禪師出家十九爲大僧聽圓覺了義講席無能及者遂遊方初到梁山問如何是無相道塲山指觀音曰這個是吳處士畫師擬進語山急索曰這個是有相底那個是無相底師遂有省便禮拜山曰何不道取一句師曰道卽不辭恐上紙筆山笑曰此語上碑去在師獻偈曰我昔初機學道迷萬水千山覓見知明今辨古終難會直說無心轉更疑蒙師指出秦時鏡昭見父

母未生時。如今覺了。何所得。夜放烏鷄。帶雲飛山。謂  
洞上之宗。可倚一時。聲價籍籍。山歿辭塔。至大陽謁  
堅禪師。堅讓席使。至之。師嘗釋曹山三種。隋曰。此三  
語。須明得。轉位始得。一作水牯牛。是類。隋師曰。是沙  
門。轉身語。是異類。中事。若不曉此意。卽有所滯。直是  
要伊一念。無私。卽有出身之路。二不受食。是尊貴。隋  
師曰。須知那邊了。却來這邊行履。若不虛此位。卽坐  
在尊貴。三不斷聲色。是隨。隋師曰。已不明聲色。故隨  
處。隨。須向聲色裡。有出身之路。作麼生。是聲色外一



句乃曰聲不自聲色不自色故云不斷指掌當指何  
掌也師神觀奇偉有威重從兒稚中日祇一食自以  
先德付授之重足不越限脇不至席年八十歎無可  
以繼者乃作偈并皮履布直裰寄浮山遠禪師使爲  
求法器偈曰楊廣山頭草憑君待價煒異苗翻茂處  
深密固靈根偈尾云得法者潛衆十年方可闡揚遠  
拜而受之遂贊師像曰黑狗爛銀蹄白象崑崙騎於  
斯二無礙木馬火中嘶師天聖五年七月十九日陞  
座辭衆塔于本山

聖楷按舒州投子義青禪師初遊宗席時遠禪師  
居會聖巖一夕夢蓄青色麕爲吉徵屈旦師來遠  
禮延之令看外道問佛不問有言不問無言因緣  
經三載了然開悟復經三載遠出洞上宗旨示之  
悉皆妙契乃付以大陽頂相皮履布直裰囑曰代  
答續其宗風無久滯此遂書偈送之令候圓通秀  
禪師師至彼無所叅問唯嗜睡而已執事白通曰  
堂中有僧日睡當行規法通曰是誰曰青上座通  
曰未可待與按過卽曳杖入堂見師正睡乃擊床

呵曰我這裡無閑飯與上座喫了打眠師曰和尚  
教某何爲通曰何不叅禪去師曰美食不中飽人  
喫通曰爭奈大有人不肯上座師曰待肯堪作甚  
麼通曰上座曾見甚麼人來師曰浮山通曰怪得  
恁麼頑賴遂握手相笑驢方丈由是道聲藉甚初  
住白雲次遷授子示寂書偈曰兩處住持無可助  
道珍重諸人不須尋討投筆奄息閑維獲五色舍  
利與諸靈異云

玉泉承皓

上北塔法嗣

玉泉承皓禪師姓王氏眉州丹陵人早參北塔發明心要得大自在三昧元豐間首衆于襄陽谷隱望聳諸方無盡居士張公奉使京西南路就謁之問曰師得法何人皓曰復州北塔廣和尚公曰與伊相契可得聞乎皓曰只爲伊不肯與人說破公善其言致開法于郢州大陽是時谷隱主者私爲之喜謂我首座出世盛集緇素以爲歆艷皓登座曰承皓在谷隱十年不曾飲谷隱一滴水嚼谷隱一粒米汝若不會來

大陽爲汝說破。携拄杖下座。傲然而去。尋迂玉泉。皓  
爲人超放。未易以凡聖議。嘗製犢鼻褌。書歷代禪師  
名而服之。乃曰。唯有文殊普賢較些子。且書于帶上。  
故叢林目爲皓布衲。有侍僧效之。皓見而詬曰。汝具  
何道理。敢以爲戲事耶。嘔血無及耳。僧尋于鹿門如  
所言而逝。

釋曉瑩曰。世所同者道。所異者迹而已。浩之唱道。  
開豁正見。至于示跡殊。嘗則爲不測。入求于往昔。  
殆鄧隱峯。魯化之流亞歟。

蔣山佛慧

雲居法嗣

金○陵○蔣○山○法○泉○佛○慧○禪○師○隨○州○時○氏○子○上○堂○快○人○一○  
言○快○馬○一○鞭○若○更○眼○睛○定○動○未○免○紙○裏○麻○纏○脚○下○是○  
地○頭○上○是○天○不○信○但○看○八○九○月○紛○紛○黃○葉○滿○山○川○晚○  
奉○詔○住○大○相○國○智○海○寺○問○衆○曰○赴○智○海○留○蔣○山○去○就○  
孰○是○衆○皆○無○對○師○索○筆○書○偈○曰○非○佛○非○心○徒○擬○議○得○  
皮○得○髓○設○商○量○臨○行○珍○重○諸○禪○侶○門○外○千○山○正○夕○陽○  
書畢坐逝

羅湖野錄曰蔣山佛慧泉禪師叢林謂之泉萬卷

紹聖元年東坡居士有嶺外之行舟次金陵阻風  
江許旣迎其至從容語道東坡遂問曰如何是智  
海之燈泉遽對以偈曰拈出明明是甚麼舉頭鷄  
子穿雲過從來通盤最希奇解問燈人能幾個東  
坡于是欣然以詩記其事曰今日江頭天色惡砲  
車雲起風欲作獨望鐘山喚寶公林間白塔如孤  
鶴寶公骨冷喚不應却有老泉來喚人電眸虎齒  
霹靂舌爲子吹散千峯雲南來萬里亦何事一酌  
曹谿知水味他年若盡蔣山圖仍作泉公喚居士

泉復說偈送行曰。脚下曹谿去。路通豈堂無。復問。  
旛風好。將鍾阜臨岐句。說似當年踏碓翁。噫。東坡。  
平生夷險一致。非與憂患爭者。不然。正當放浪巔。  
海之時。豈能問智海燈耶。泉。杳。霹靂。舌。爲。吹。散。千。  
峯之雲。在東坡不爲無得也。



雲蓋守智

黃龍法嗣

潭州雲蓋守智禪師。劍州陳氏子。遊方至豫章大寧。時法昌遇禪師。韜藏西山。師聞其飽參造焉。昌使謁翠巖真禪師。久之。無省及謁黃龍。于積翠始盡所疑。後首衆石霜。遂開法道。吾徒雲蓋居院之東堂。政和辛卯。死。心謝事黃龍。由湖南入山。奉覲。日已夕矣。侍僧通謁。師曳履且行。且語曰。將燭來看其面目。何似。生而致名。喧宇宙。死心亦絕。叫把近前來。我要炤是真師。叔是假師。叔師卽當胞。毆一拳。死心曰。却是真。

個遂作禮賓王相得歡甚及苑心復領黃龍至政和  
甲午示寂時師住開福得計音卽陞座曰法門不幸  
法幢摧五蘊山中化作灰昨夜泥牛通一線黃龍從  
此入輪回

聖楷按智嗣黃龍慧南禪師所謂黃龍三關是也  
苑心嗣黃龍祖心禪師一號晦堂與智同嗣慧南  
故苑心云師叔也後侍僧編次法語易入爲出智  
見而大詬之是時智年九十宗門大老之風今絕  
響矣

白雲守端

楊岐法嗣

舒州白雲守端禪師。衡陽葛氏子。從茶陵郁  
剎往參楊岐。岐一日忽問。受業師爲誰。師曰。茶陵郁  
和尚。岐曰。吾聞伊過橋。道顛有省。作偈甚奇。能記否。  
師誦曰。我有明珠一顆。久被塵勞闕鎖。今朝塵盡光  
生。炤破山河萬朶。岐笑而趨。起師愕然。通夕不寐。黎  
明咨詢之。適歲暮。岐曰。汝見昨日打毆。難者麼。曰。見  
岐曰。汝一籌不及。渠師復駭曰。意旨如何。岐曰。渠愛  
人笑。汝怕人笑。師大悟。巾侍久之。辭遊廬阜。圓通誦

禪師舉任承天師後。屢居名利。緇農雲集。嘗有頌云。  
他人住處我不住。他人行處我不行。不是爲人難。共  
展大都緇素要。分明熙寧五年遷化壽四十八。  
聖楷按茶陵郁山主。不曾行脚。因廬山有化士至。  
論及宗門中事。教令看僧問法燈百尺竿頭如何。  
進步燈云。噫。凡三年一日。乘驢度橋。一踏橋板而。  
臨。忽然大悟。乃作偈云云。白雲端有贊曰。百尺竿。  
頭會進步。溪橋一踏沒山河。從茲不出茶州上。吟。  
嘯。無非囉哩囉。

五祖法演

白雲法嗣

蘄州五祖法演禪師。綿州鄧氏子。三十五始棄家。祝髮受具。往成都習唯識百法論。因聞菩薩入見道時。智與理冥。境與神會。不分能證所證。西天外道嘗難此。丘曰。旣不分能證所證。却以何爲證。無能對者。外道貶之。令不鳴鐘鼓。反披袈裟。三藏契法師至彼。救此義曰。如人飲水。冷暖自知。乃通其難。師曰。冷暖則可知矣。作麼生是自知底事。遂質本講曰。不知自知之理如何。講莫疏其問。但誘曰。汝欲明此。當往南方。

扣傳佛心宗者師卽負笈出關所見尊宿無不以此  
咨決所疑終不破次謁浮山遠禪師久之遠語師曰  
吾老矣恐虛度子光陰可往依白雲此老雖後生吾  
未識面但見其頌臨濟三頓棒話有過人處必能了  
子大事師潸然禮辭至白雲遂舉僧問南泉摩尼珠  
話請問雲叱之師領悟獻投機偈曰山前一片閑田  
地叉手叮嚀問祖翁幾度賣來還白質爲憐松竹引  
清風雲特印可令掌磨事未幾雲至語師曰有數禪  
客自廬山來皆有悟入處教伊說亦說師有來由舉

因緣問伊亦明得教伊下語亦下得祇是未在師下  
是大疑私自計曰既悟了說亦說得明亦明得如何  
却未○在○遂○參○究○累○日○忽○然○省○悟○從○前○寶○惜○一○時○放○下○  
悉見白雲雲爲手舞足蹈師亦一笑而已師後曰吾  
因茲出一身白汗便明得千載清風雲一日示衆曰  
古人道如鏡鑄像像成後鏡在甚麼處衆下語不契  
舉以問師師近前問訊曰也不較多雲笑曰須是道  
者始得乃命分座開示方來初住四面遷白雲晚居  
東山三佛侍師于一亭上夜話及魃燈已滅師于暗

中曰各人下一轉語佛鑑曰彩鳳舞丹霄佛眼曰鐵  
蛇橫古路佛果曰看脚下師曰滅吾宗者乃克勤爾  
崇禎三年六月二十五日上堂辭衆時山門有土木  
之役躬往督之且曰汝等勉力吾不復來矣歸丈室  
淨髮澡身迄旦吉祥而化是夕山摧石墮四十里內  
巖谷震吼關維舍利如雨塔于東山之南  
聖楷按演公三佛其一爲太平慧勤佛鑑一爲龍  
門清遠佛眼一爲圓悟克勤佛果佛果初至真覺  
驍禪師之席勝方創臂出血指示師曰此漕溪一



滴也師矍然良久曰道固如是乎卽徒步出蜀首  
謁玉泉浩次依金鑾信大潏詰黃龍心東林度僉  
指爲法器而晦堂稱他日臨濟一宗屬子矣最後  
見五祖盡其機用祖皆不諾乃謂祖強移換人出  
不遜語忿然而去祖曰待你著一頓熱病打時方  
思量我在師到金山染傷寒因極以平日見處試  
之無得力者追繹五祖之言乃自誓曰我病稍間  
卽歸五祖病痊尋歸祖一見而喜今卽參堂便入  
侍者寮方半月會部使者解印還蜀詣祖問道祖

曰提刑少年曾讀小艷詩否有兩句頗相近頻呼  
小玉元無事祇要檀郎認得聲提刑應喏喏祖曰  
且仔細師適躡侍立次問曰聞和尚舉小艷詩提  
刑會否祖曰他祇認得聲師曰祇要檀郎認得聲  
他既認得聲爲甚麼却不是祖曰如何是祖師西  
來意庭前栢樹子彈師忽有省遽出見鷄飛上欄  
杆鼓翅而鳴復自謂曰此豈不是聲遂袖香入室  
通所得呈偈曰金鴨香銷錦繡緯笙歌叢裏醉扶  
觴少年一段風流事祇許佳人獨自知祖曰佛祖

大事非小根。劣器所能造。請吾助汝。吾祖徧謂山  
中耆舊曰。我侍者。恭得禪也。繇此所至。推爲上首。  
後還里省親。翰林郭公知章。請開法六祖。更昭覺。  
政和間。謝事復出。峽南遊。時張無盡寓荆南。以道  
學自居。少見推許。師艤舟謁之。劇譚華嚴旨要。曰。  
華嚴現量境界。理事全真。初無假法。所以卽一而  
萬。了萬爲一一。復一萬。復萬。浩然莫窮心。佛衆生  
三無差別。卷舒自在。無礙圓融。此雖極則。終是無  
風。币币之波。公于是不覺促榻。師遂問曰。到此與

祖師西來意是同爲別。公曰同矣。師曰。且得沒交涉。公色爲之愠。師曰。不見雲門道。山河大地無絲毫過患。猶是轉句。直得不見一法。始是半提。更須知有向上全提時節。彼德山臨濟。豈非全提乎。公乃首肯。翼日復舉事。法界理法界。至事理無礙法界。師又問。此可說禪乎。公曰正好說禪也。師笑曰。不然。正是法界量裏在。蓋法界量未滅。若到事事無礙法界。法界量滅。始好說禪。如何是佛。乾屎橛。如何是佛。麻三斤。是故真淨偈曰。事事無礙。如意。

自在手把猪頭。口誦淨戒。超出娼坊。未還酒債。十字街頭。解開布袋。公曰。美哉之論。豈易得聞乎。於是。以師禮。留居碧巖。久之。遷至潭州。嶽麓道林。佛眼遠禪師。初至海會。依演和尚。以已事咨決者。屢矣。演只語之曰。我不如你。你自會得好。或曰。我不會。我不如你。遠莫涯其意。久而復扣曰。今會中誰可親近。演曰。有元禮首座。來時只向伊道。衲僧須具緇素眼。始得。及聞我上堂道。同時出入宿世冤家之語。遂有省子。若乞教于禮。必須獲益。及請。

問禮乃以手引達之耳。繞團爐數匝且行且語。你  
自會得好。遠曰有冀開發。却爾相戲。豈法施之式。  
哉。禮曰汝佗日悟去。方知今日曲折已而寒夜孤  
坐。撥爐見火一豆許。恍然自喜曰。深探撥有些子。  
平生事只如此。遽起問几上傳燈錄。達當破竈。隔  
因緣洞符所證。因悟。因請其寮。舉青林搬土話。驗  
之。且謂古今無人出得達。曰有甚麼難出。因悟曰。  
只如佗道鐵輪天子寮中肯。又作麼生出。達曰我  
道帝釋宮中放赦書。因悟。而語。乃奮曰。喜達見。

便有活人句也其後遠之嗣子烏巨行公有頌發  
揮海會之語曰我不會兮不如你達磨當門缺兩  
齒滿堂無限白頭風明明不自秋江起又曰我不  
會兮不如你堪笑千花生碓觜善財謾說百城遊  
何曾踏着自家底

上封佛心

黃龍法嗣

潭州上封佛心才禪師福州姚氏子初依海印隆禪師見老宿達道者看經至一毛頭師子百億毛頭一時現師指問曰一毛頭師子作麼生得百億毛頭一時現達曰汝乍入叢林豈可便理會許事師因疑之遂發心領淨頭職一夕訊掃次印適夜叅至則遇結座柳拄杖曰了卽毛端吞巨海始知大地一微塵師豁然有省及出閩造豫章黃龍與死心機不契乃叅靈源凡入室出必揮淚自訟曰此事我見得甚分明



祇是臨機吐不出。若爲奈何。靈源知師勤篤告。以須。  
是大徹方得自在也。未幾竊觀鄰案僧讀曹洞廣錄。  
至藥山採薪歸。有僧問甚麼處來。山曰討柴來。僧指。  
腰下刀曰。鳴剝剝是個甚麼。山拔刀作砍勢。師忽欣。  
然。擗鄰案僧一堂。揭簾趨出。銜口說偈曰。徹徹大海。  
乾枯。虚空迸裂。四方八面絕遮欄。萬象森羅齊漏洩。  
後分于真乘。應上封之命。屢遷名利。  
聖楷曰。黃龍靈源惟清禪師。每謂人曰。今之學者。  
未脫生死。病在甚麼處。病在偷心未死耳。然非其。

罪爲師者之罪也。如漢高帝給韓信而殺之。信雖  
死。其心果死乎。古之學者。言下脫生。死效在甚麼  
處。在儉心已死。然非學者自能爾。實爲師者。鉗鎚  
妙密也。如梁武帝御大殿。見侯景不動聲氣。而景  
之心已枯竭無餘矣。今觀上封才禪師之徹悟。固  
由揮淚中來。抑靈源有以涵養之也。如馮山之于  
香巖。慈明之于楊岐。俱用此法。

文殊心道

太平法嗣

朗州文殊心道禪師眉州徐氏子年三十得度請成  
都習唯識自以爲至同舍詰之曰三界唯心萬法唯  
識今目前萬象擬然心識安在師茫然不知對遂出  
周流江淮旣抵舒之大平聞佛鑑禪師夜叅舉趙州  
栢樹子話覺鐵背云先師無此語莫謗先師好因大  
疑提撕旣久一夕豁然卽趨丈室擬叙所悟鑑見來  
便閉門師曰和尚莫謾某甲鑑曰十方無壁落何不  
入門來師以拳擲破窓紙鑑卽開門搗住曰道道師

以兩手捧鑑頭作口啐而出呈傷曰趙州有個柏樹  
話禪客相逢徧天下多是摘葉與尋枝不能直向根  
源會覺公說道無此語正是惡言與面罵禪人若具  
通方眼好向此中辨真假鑑深然之每對客稱賞後  
命分座襄守請開法天寧未幾擢大別文殊建炎三  
年春示衆舉臨濟入滅囑三聖因緣曰正法眼藏暗  
驢滅臨濟何曾有是說今古時人皆妄傳不信但看  
後三月至閏三月賊鍾相叛其徒欲舉師南奔者師  
曰學道所以了生也何避爲賊至師曰速見殺以快

汝心賊卽舉絮殘之血皆白乳賊駭引席覆之而去  
聖楷按道禪師法嗣其一爲思業禪師嘗德府人  
世爲屠宰一日戮猪次忽洞徹心源卽棄業爲比  
丘述偈曰昨夜又心今朝菩薩面菩薩與夜叉  
不隔一條線往見道禪師道曰你正殺猪時見個  
甚麼便乃剃頭行脚業遂作鼓刀勢道喝曰這屠  
兒參堂去業便下參堂後嗣住文殊日上堂舉趙  
州勘婆話乃曰勘破婆子面青眼黑趙州老漢瞞  
我不得其一爲楚安慧方禪師潭州許氏子初參

道禪師于大別未幾改寺爲神霄宮附商舟過湘  
南舟中聞岸人操鄉音厲聲云叫那由是有省卽  
說偈曰沔水江心喚一聲此時方得契平生多年  
相別重相見千聖同歸一路行觀此二公悟境迥  
出尋常昔苑心自譽曰天下人摠是參得底禪某  
是悟得底參之與悟相去幾何但信自心立地成  
佛非虛語耳

九峰無念

九峰無念勝學禪師。隨州應山陳氏子。九歲授本羈  
寶林寺。無極緣公爲師。初不識字。執苦經年。自覺大  
事。不了。往叅荊州無聞和尚。問舉萬法歸一一歸何  
處。話頭開示。師頻發大疑。日夕叅究。復廻寶林。二十  
二歲。詣宣州登壇受具。後入嵩山。住靜。影履不出。嘗  
穿一衲。脇不沾席。精勤逼拶。一夕見月。有省。偈云。數  
載東山昏霧深。凭欄終日待晴空。夜來忽睹霜天月。  
萬象全彰一鏡中。是時緣公奉詔住開元寺。師遂出。

山往見緣公復東抵姑蘇。叅萬峯蔚和尚。峰見師入  
門。便喝。豎拳云。擊碎虛空。只一拳。血星迸出。遍三千  
回頭轉腦。知端的。放去收來。揔一般。師隨聲答云。一  
拳擊破虛空。迸出一輪明月。堂堂獨露真。嘗到此本  
無言說。峰又拈起古鏡云。連道師答云。威音那畔時  
罇出。非銅鐵。一點甚分明。大千俱炤徹。峰肯之。辭廻  
寶林。峯親書法語贈之。以偈併布製二十五條。法衣  
一領。師由此至洪山。道風昭著。縉俗景慕。洪武十六  
年。萬壽寺西結菴爲方丈。因名西菴。師一日東去。四



十里許九峯山口有老翁引師直至師子巖下翁忽不見是時山徑未開諸虎襍處師趺坐數日近山居民見師端坐驚喜稱歎於是楚昭王聞之遂爲開山建寺二十七年以通靈侯奏 欽奉

太祖高皇帝遣中官召師至京迎見便殿命坐賜茶對談般若機語相契命送至天禧寺次日復召賜齋師謝恩就辭 上遣中官賚果饌伴送兼賜宮中所製襍綵衲衣二件金鉢瓶匙筯各一并 御製居山圖序詩文一軸題曰諭僧無念二十八年冬復遣中

官賜織金紵絲袈裟一領并銀瓶罍皿等件松實松  
花二器特賜松實詩并序永樂三年乙酉十一月二  
十九日師將示寂請楚王殿下到寺說偈曰世尊  
七十九無念八十邊打破華藏海依舊水連天師復  
囑曰殿下珍重保守護持佛法語畢坐逝壽七十八  
臘五十七全身入塔塔在師子巖下謚清福廣慧無  
念學公禪師